

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
26 d'avust 2025

Noemi Pfister. Avair il cor sin ils lefs Premi d'art Manor Grischun 06-09 – 23-11-2025

Noemi Pfister (*1991) è la victura dal Premi d'art Manor 2025 Grischun. Per quest motiv realisescha ella sia pli gronda exposiziun individuala fin ussa.


Sin ils novs maletgs, che l'artista grischuna creescha per l'exposiziun en il Museum d'art dal Grischun, collia ella motivs da l'istorgia d'art sco er da la cultura populara. Temas sco giuventetgna, digitalitad, ecologia e corp cumbinescha el simbolicamain a narraziuns complexas. En sias cuntradas sumegliantas a siemis sa trategnan figuras misteriusas che paran da derivar d'in mund parallel. Lur corps paran d'avair defurmaziuns anatomicas. Las figuras sesan sin skateboards, scrollan sin lur telefonins u sa deditgeschan a gieus da computer. Ellas fan ina pausa sin ina terrassa e guardan en per il sulegl, ellas fan exercizis da gimnastica, ch'èn dapli in gieu ch'in trenament, u baivan energydrinks, per sa dustar cunter la stancladad.

Ils munds visuals regordan mintgatant a la cumposiziun d'ovras dals vegls maisters – la vestgadira da las figuras, las posiziuns da lur corps u ils objects reflecteschan dentant la giuventetgna da noss preschent.

En la cumbinaziun tranter l'enconuscent ed il smanatschant exploreschan ils maletgs, en tge furmas da cuminanzas che nus vegnin forsa a viver en il futur.

En connex cun l'exposiziun cumpara la publicaziun ritgamain illustrada *Noemi Pfister. Heart on Sleeve*. Ella cuntegna texts da Raphael Gyga, Damian Jurt e Valerie Keller.

L'exposiziun vegn curatada da Damian Jurt.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Biografia curta da Noemi Pfister


Noemi Pfister (naschì 1991) è creschida si a Locarno. Dapi l'onn 2018 viva e lavura l'artista a Basilea. L'onn 2017 ha ella absolvì ses bachelor en art figurativ a la Haute école d'art et de design (HEAD) a Genevra. In onn suenter l'entschatta da ses studi Work.Master da là ha ella decidì dad ir a star a Basilea, nua ch'ella ha survegnì ses master a Fine Arts a l'institut Art Gender Natur da la Scola auta per art ed art applitgà. Il medem onn ha fundà Noemi Pfister Palazzina, in local d'exposiziun ed ina chasa d'artistas e d'artists, che ha survegnì l'onn 2024 il premi da cultura da Basilea-Champagna.

Dapi l'onn 2018 è Pfister represchentà en numerusas exposiziuns collectivas en Svizra ed a l'exteriur, tranter auter en la Kunsthalle Basel, Kunsthau Baselland, en il Kunstverein Freiburg im Breisgau ou en il Kunsthau Langenthal.

L'onn 2021 ha Pfister survegnì dal Credit d'art da Basilea-Citad ina decisiun da promoziun per ina contribuziun ad in'ovra. L'onn 2022 è ella stada nominada Artist in Residence en la Cité Internationale des Arts Paris e l'onn 2023 per il Swiss Art Award.

In engaschament per la giuvna scena d'art en Svizra

Il premi d'art Manor, in dals premis da promoziun ils pli impurtants per la lavur artistica contemporana en noss pajais, è vegnì stgaffì l'onn 1982 da Philippe Nordmann per porscher ina plattafurma ad artistas giuvnas ed artists giuvens. Ina giuria d'expertas e d'experts surdat quest premi mintga onn en sis citads svizras. Aarau, Basilea, Bienna, Cuira, Genevra, Losanna, Lucerna, Lugano, Schaffusa, Sion, Son Gagl e Winterthur alteschan en in ritmus da dus onns. Il premi da promoziun ha gia accompagnà in'entira retscha d'artistas e d'artists sin lur via al success internaziunal.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Orientaziun a las medias

Gievgia, ils 4 da settember 2025, 10.00

Museum d'art dal Grischun, Cuir

(Annunzia: kathrin.gartmann@bkm.gr.ch, tel. 081 257 28 65)

Vernissascha

Venderdi, ils 5 da settember 2025, a las 18.00

Exposiziun

06-09 – 23-11-2025

Mardi fin dumengia, 10.00 – 17.00

Gievgia, 10.00 – 20.00

Occurrenzas

Infurmaziuns davart las occurrenzas actualas chattais Vus sin la pagina d'internet dal Museum d'art dal Grischun, www.buendner-kunstmuseum.ch.

Contact per las medias

Museum d'art dal Grischun, Cuir

Stephan Kunz

Directur artistic

T +41 81 257 28 61

stephan.kunz@bkm.gr.ch